

Skýrsla

samgöngu- og sveitarstjórnarráðherra um framvindu stefnumótandi byggðaáætlunar fyrir árin 2018–2024.

Þann 16. desember 2019 lagði samgöngu- og sveitarstjórnarráðherra fram á Alþingi skýrsla um framvindu stefnumótandi byggðaáætlunar fyrir árin 2018–2024. Byggðaáætlun er unnin skv. lögum um byggðaáætlun og sóknaráætlanir, nr. 69/2015. Eins og kunnugt er var hún samþykkt einróma á Alþingi í júní 2018, eftir mikið samráð um allt land um mótun áætlunarinnar og er nánar fjallað um þann aðdraganda í skýrslu ráðherra.

Nú er öðru sinni lögð fram skýrsla um framvindu gildandi byggðaáætlunar.

Rétt er í upphafi að upplýsa um það að hafin er vinna við endurskoðun áætlunarinnar, en hana ber lögum samkvæmt að endurskoða á þriggja ára fresti. Við þá endurskoðun er lögð rík áhersla á samráð um allt land, bæði meðal almennings, sveitarstjórnarfólks, atvinnulífsins og haghafa.

Í þessari skýrslu ráðherra er leitast við að upplýsa um framvindu byggðaáætlunar en flestum aðgerðum miðar vel og eru komnar í framkvæmd og nokkrum aðgerðum er lokið.

I. Markmið, áherslur og mælikvarðar.

Í lögum um byggðaáætlun og sóknaráætlanir er kveðið á um að byggðaáætlun skuli hafa að meginmarkmiði að jafna tækifæri allra landsmanna til atvinnu og þjónustu, jafna lífskjör og stuðla að sjálfbærri þróun byggðarlaga um land allt. Sérstaka áherslu skal leggja á svæði sem búa við langvarandi fólksfækkun, atvinnuleysi og einhæft atvinnulíf.

Settar eru fram samtals 47 áherslur sem skiptast milli markmiðanna þriggja. Áherslurnar eru framkomnar eftir samráð við sveitarfélög, landshlutasamtök þeirra og aðra haghafa. Flestar leiða þær til beinna og skilgreindra aðgerða, en aðrar eru á hinn bóginn til samhæfingar við aðgerðir í öðrum opinberum áætlunum til að stuðla að því að framangreindum markmiðum byggðaáætlunar verði náð. Við hvert markmið eru tveir mælikvarðar, alls sex mælikvarðar. Mælikvarðarnir eru mikilvægt tæki til að meta og mæla árangur byggðaáætlunar.

Byggðastofnun hefur unnið að því að kortleggja opinbera þjónustu og er þjónustukort aðgengilegt á netinu (www.þjónustukort.is). Gagnaöflun er að mestu lokið og flestir þjónustubættir hafa verið skráðir á kortið en áfram er unnið að því að bæta útlit, viðmót og virkni þess. Þjónustukortið er ein af aðgerðum byggðaáætlunar (aðgerð A.2) og er ætlað að bæta yfirsýn og skapa þar með grundvöll fyrir aðgerðir til að tryggja íbúum þjónustu og jafna kostnað. Kortið mun því nýtast sem mælikvarði á framgang aðgerða samkvæmt markmiðum byggðaáætlunar um að jafna aðgengi að þjónustu.

II. Samhæfing við aðrar opinberar áætlanir.

Byggðastefna hefur snertifleti við flesta opinbera málaflokka og ráðuneyti. Stefnumótandi byggðaáætlun gegnir mikilvægu samhæfingarhlutverki sem felur í sér að hafa áhrif á aðrar opinberar áætlanir, þ.e. að draga fram byggðasjónarmið við gerð slíkra áætlana og styðja við framkvæmd þeirra, til dæmis með fjárframlagi. Stýrihópur stjórnarráðsins um byggðamál gegnir mikilvægu hlutverki við að auka samráð ráðuneyta á sviði byggðamála og vinna að því að samhæfa byggðamál annarri stefnumótun og áætlanagerð hins opinbera þannig að horft

verði heildstætt til byggðapróunar.

Sú stefnumörkun sem unnin er í samgöngu- og sveitarstjórnarráðuneytinu samkvæmt lögum snýr að byggðaáætlun, samgönguáætlun, fjarskiptaáætlun og stefnumótandi áætlun ríkisins í málefnum sveitarfélaga. Þessar fjórar stefnur og áætlanir varða öll meginverkefni ráðuneytisins, þær tengjast mjög náið og einstök meginmarkmið og áherslur snerta þær gjarnan allar samtímis. Ein áætlun hefur þannig áhrif á aðra, t.d. er verkefnið Ísland ljóstengt mikilvægt byggðamál og bættar samgöngur tengja bæði sveitarfélög og byggðir. Í frumvarpi til nýrra laga um stefnumarkandi áætlanir á málefnasviði ráðuneytisins, sem unnið er að, er kveðið á um að áætlanir skuli byggðar á skýrum meginmarkmiðum og heildstæðri stefnumörkun ráðherra. Þá skuli sérstaklega gætt að samhæfingu áætlana og að þær styðji hver við aðra í samræmi við sameiginlega framtíðarsýn og meginmarkmið.

Þá eru sóknaráætlanir landshluta mikilvægur þáttur í samspili við byggðaáætlun. Þróun undanfarinna ára hefur verið sú að Samband íslenskra sveitarfélaga og landshlutasamtök sveitarfélaga og þar með sveitarfélögin sjálf eru í vaxandi mæli þátttakendur við mótun og framkvæmd byggðaáætlunar. Það gefur jákvæð fyrirheit um aukna samhæfingu sóknaráætlana og byggðaáætlunar og þar með breiðara eignarhald og ábyrgð á þessum mikilvægu áætlunum.

Þessi mikla áhersla á samráð og samhæfingu við aðrar opinberar áætlanir hefur stuðlað að því að framkvæmd byggðaáætlunar gengur vel. Sjálf byggðaáætlunin er aðeins hluti af byggðastefnu stjórnvalda. Aðrar stefnur, svo sem stefnur á sviði samgangna-, mennta-, heilbrigðis- og atvinnumála, hafa jafnvel enn meiri áhrif þegar kemur að byggðapróun í landinu. Með því að samhæfa byggðaáætlun öðrum áætlunum fæst aukinn kraftur í framkvæmd þeirra.

III. Framvinda aðgerða.

Samgöngu- og sveitarstjórnarráðuneytið leggur mikla áherslu á skilvirka framkvæmd og eftirfylgni byggðaáætlunar. Jafnframt er lögð áhersla á að almenningur í landinu geti fylgst vel með á vef ráðuneytisins, t.d. með stöðu og framgangi einstakra aðgerða. Þá hefur vefgátt samgöngu- og sveitarstjórnarráðuneytis verið í þróun um nokkurt skeið og er gert ráð fyrir að hún verði opnuð almenningi á árinu 2021. Vefgáttin er hugsuð sem leið til að setja stefnur ráðuneytisins fram með aðgengilegri og sjónrænni hætti en áður hefur verið gert. Þá eru byggðamálaráð og stýrihópur Stjórnarráðsins um byggðamál virkir aðilar í ferlinu, en það er fastur dagskrárliður á fundum beggja hópa að gera grein fyrir framkvæmd byggðaáætlunar.

Í byggðaáætlun eru settar fram 54 aðgerðir sem hver um sig tengist einu þriggja markmiða áætlunarinnar. Verkefnamarkmið eru skilgreind við hverja aðgerð ásamt stuttri lýsingu, og fram kemur hvaða ráðuneyti ber ábyrgð á framkvæmdinni, auk framkvæmdaraðila og mögulegra samstarfsaðila o.fl.

Fjármögnun aðgerða er þrjúþætt. Í fyrsta lagi eru aðgerðir sem eingöngu eru fjármagnaðar af byggðalið samgöngu- og sveitarstjórnarráðuneytisins. Sem dæmi um slíkar aðgerðir má nefna þjónustukort (A.2) og brothættar byggðir (C.2). Í öðru lagi er um samfjármögnun að ræða, sem felur í sér að fjármagn kemur annars vegar af byggðalið og hins vegar frá viðkomandi ráðuneyti. Dæmi um slíkar aðgerðir eru Ísland ljóstengt (A.1) og innleiðing fjarheilbrigðisþjónustu (A.5). Í þriðja lagi eru aðgerðir sem fjármagnaðar eru að öllu leyti af viðkomandi ráðuneyti. Dæmi um slíkar aðgerðir eru stuðningur við uppbyggingu smávirkjana (B.3) og fleiri flughlið inn í landið (B.11).

Samkvæmt byggðaáætlun er áætlað að verja um 3,5 milljörðum kr. af byggðalið fjárlaga (fjárlagaliður 10 701 1.10) á tímabilinu 2018–2024. Ekki er um heildarkostnað að ræða við framkvæmd áætlunarinnar, en sem fyrr segir leggja önnur ráðuneyti, sveitarfélög og einkaaðilar til fjármagn til einstakra aðgerða.

Árið 2020 var framlag til byggðaáætlunar hækkað tímabundið um 568 milljónir kr. til að bregðast við áhrifum af Covid-19 faraldrinum. Viðbótarframlögin voru veitt í gegnum

fjárukalög 2 og 3, úr varasjóði A-hluta ríkissjóðs og af ráðstöfunarlið ríkisstjórnar, líkt og sýnt er í töflu hér að neðan.

Viðbótarframlög 2020	
Brothættar byggðir	100 m.kr.
Sveitarfélög á Suðurnesjum	250 m.kr.
Félagsþjónusta og barnavernd	30 m.kr.
Fimm sveitarfélög á Suðurlandi og eitt á Norðurlandi eystra	150 m.kr.
Ísafjarðarbær	25 m.kr.
Flateyri	13 m.kr.
Samtals	568 m.kr.

Í viðauka sem fylgir skýrslu þessari er tafla með upplýsingum um allar 54 aðgerðirnar. Þar koma meðal annars fram markmið hverrar aðgerðar og staða þeirra í nóvember/desember 2020. Einnig eru upplýsingar um fjármagn sem varið hefur verið til hverrar aðgerðar árin 2018–2020 sem og heildarupphæð sem áætluð er af byggðalið á tímabilinu 2018–2024. Í viðaukanum kemur fram að 40 aðgerðir séu í vinnslu og 14 aðgerðum sé lokið.

IV. Mat Byggðastofnunar.

Vorið 2021 verða liðin þrjú ár frá samþykkt nógildandi byggðaáætlunar. Það er mat Byggðastofnunar að vel hafi tekist til um framkvæmd hennar og er vinna í tengslum við flestar aðgerðir ýmist langt komin eða verkefnum þegar lokið. Stofnunin telur að hið mikla samráð sem haft var við mótun áætlunarinnar hafi átt stóran þátt í því hversu vel hefur gengið að framfylgja byggðaáætlun.

Í aðdraganda endurskoðunar byggðaáætlunar sem getið er hér að framan hafa verið haldnir samráðsfundir með fulltrúum allra landshlutasamtaka sveitarfélaga, þingflokki á Alþingi og stjórnendum og starfsmönnum Sambands íslenskra sveitarfélaga og stýrihópi Stjórnarráðsins um byggðamál. Þá var einnig opnuð sérstök samráðsgátt á vef Byggðastofnunar þar sem kallað var eftir skoðunum almennings á nógildandi byggðaáætlun, kostum hennar og göllum og hverjar væru helstu áskoranir við mótun nýrrar áætlunar. Niðurstaðan bendir til þess að nokkuð góð sátt virðist ríkja um form og inntak gildandi byggðaáætlunar og ekki síst það breiða samráð sem átti sér stað við vinnslu hennar og hversu aðgerðadrifin áætlunin er. Þá hefur komið fram ánægja með þau meginmarkmið sem skilgreind eru í áætluninni og byggja á lögum nr. 69/2015 um byggðaáætlun og sóknaráætlanir. Framsetning áætlunarinnar sé skýr og dragi vel fram hvar skórinn kreppir og hvaða verkefna sé þörf. Þá feli hún í sér ákveðna breidd sem lýsir sér í því að nánast öll ráðuneyti eru ábyrgðaraðilar einhverra verkefna í áætluninni. Nokkrir veikleikar komu þó fram og lúta einkum að samhæfingu byggðaáætlunar við aðra áætlanagerð ríkisins. Gera má mun betur í því að virkja aðkomu ráðuneyta að framkvæmd byggðaáætlunar.

Byggðastofnun er sammála þessu mati og telur að breytt vinnulag við gerð og framkvæmd byggðaáætlunar sé mjög til bóta og að vægi hennar við ákvarðanatöku hafi jafnframt aukist verulega. Byggðastofnun merkir aukna áherslu á byggðamál hjá stjórnvöldum og fjölmörg þingmál tengjast beint og markvisst einstökum tillögum byggðaáætlunar. Þá er áætlunin heildstæðari og nær til mun fleiri sviða en fyrri áætlanir. Við endurskoðun hennar er þó mikilvægt að huga enn betur að því að samhæfa byggðaáætlun við þær megin-áætlanir ríkisins sem hafa snertifleti við byggðaþróun sem og við áætlanir á vegum sveitarfélaga og landshlutasamtaka þeirra á borð við sóknaráætlanir landshluta og svæðisskipulagsáætlanir. Þá er mikilvægt að þær aðgerðir sem settar verða fram í aðgerðaáætlun verði fjármagnaðar og tilgreint hver beri ábyrgð á fjármögnun og hver áætlaður kostnaður sé.

Viðauki - Framkvæmd aðgerða

A. Jafna aðgengi að þjónustu						
Nr.	Heiti aðgerðar	Markmið	Staða	Áætlað framlag af byggðalið 2018–2020	Áætlað framlag af byggðalið 2018–2024	Ábyrgð
A.1	Ísland ljóstengt	Að öll lögheimili og fyrirtæki með heilsársbúsetu eða starfsemi í dreifbýli eigi kost á ljósleiðaratengingu.	Lokið. Byggðastyrkir styðja við áætlun fjarskiptasjóðs. 24 sveitarfélög hafa fengið styrk. Áætlað er að verkefninu verði lokið fyrir árslok 2021. ¹	297 m.kr.	300 m.kr.	SRN
A.2	Þjónustukort	Að fá trausta sýn á aðgengi landsmanna að þjónustu.	Lokið. Þjónustukortið er komið í gagnið. www.þjónustukort.is Áfram verður unnið að gagnasöfnun frá sveitarfélögum og uppfærslu þjónustupáttu. Unnið er að nýrri viðmótshönnun í því skyni að bæta útlit og virkni. Kortið verður þýtt yfir á ensku og pólsku, gert aðgengilegt fyrir sjöndapra og mæligildi sett inn. Náið samráð hefur verið við ráðuneyti, stofnanir og sveitarfélög.	20 m.kr.	20 m.kr.	SRN
A.3	Efling rannsókna og vísindastarfsemi	Að auka rannsóknavirkni, vísindastarfsemi og nýsköpun á landsbyggðinni.	Í vinnslu. Lokið er úttekt á starfsemi rannsókna-, fræða-, og þekkingarsetra sem nýtist sem mikilvægur grunnur fyrir gerð stefnumótunar um starfsemi þeirra, sem verður unnin á árinu 2021, í samstarfi við nýstofnuð Samtök þekkingarsetra og fleiri haghafa. Bætt hefur verið í fjármögnun á starfsemi þekkingarsetra.	0	0	MRN

¹ Aðgerðin hófst 2017. Það ár var úthlutað byggðastyrkjum að upphæð 100 m.kr. Þannig hefur samtals 397 m.kr. verið veitt til 29 sveitarfélaga á tímabilinu 2017-2020.

A.4	Þverfagleg landshlutateymi	Að styrkja og auka heildstæða þjónustu á sviði félags-, heilbrigðis- og menntamála.	Í vinnslu. Aðgerðinni hefur verið hrint af stað á Suðurnesjum. Þrír þættir af fjórum eru í vinnslu; 1) að auka aðgengi íbúa að stafrænum lausnum, 2) nýsköpun í þjónustu í velferðarþjónustu og 3) að auka samræmingu og skilvirkni í velferðarþjónustu ríkis og sveitarfélaga. Fjórði þátturinn er enn á hugmyndastigi en fer vonandi af stað í febrúar 2021. Í Múlaþingi er verið að skoða hvort hægt verði að vinna út frá sömu verkefnishugmynd og á Suðurnesjum.	20 m.kr.	60 m.kr.	FRN
A.5	Innleiðing fjarheilbrigðisþjónustu	Að bæta heilbrigðisþjónustu með því að nýta nýjustu tækni og fjarskipti við framkvæmd þjónustu.	Í vinnslu. Verkefninu er stýrt frá Miðstöð um rafrænar heilbrigðislausnir hjá Embætti landlæknis. Verkefnisstjórar hafa verið ráðnir á heilbrigðisstofnunum landsins til að leiða og efla þessa framþróun á sínu svæði. Framlag SRN er fyrst og fremst ætlað til tækjakaupa á landsbyggðinni. Á árinu 2020 gerðu samgöngu- og sveitarstjórnarráðherra og heilbrigðisráðherra tveggja ára samning við Ljósið, sem gengur út á að auðvelda fólki sem búsett er á landsbyggðinni og hefur fengið krabbamein og aðstandendum þeirra aðgengi að þjónustu Ljóssins. Samningurinn gildir til ágúst 2022 og nemur 34 m.kr	48,5 m.kr.	140 m.kr.	HRN
A.6	Hérðaðslækningar	Að fjölga heilsugæslulæknum á landsbyggðinni með því að koma á tveggja	Í vinnslu. Starfshópur skilaði inn tillögum um áramótin 2019/2020. Unnið er með þær tillögur en vinnan	0	2,5 m.kr.	HRN

		ára námi sem býr heilsugæslulækna undir starf í dreifbýli.	hefur tafist, m.a. vegna Covid-19. Áætlað er að marklýsing liggi fyrir árið 2021.			
A.7	Fæðingaþjónusta og mæðravernd	Að tryggja aðgengi að þjónustu vegna meðgöngu og fæðingar.	Í vinnslu. Nýtt sjúkrahótel tók til starfa í maí 2019 sem nýtist m.a. verðandi foreldrum af landsbyggðinni. Í janúar 2020 samþykkti heilbrigðisráðherra reglugerðar-breytingu sem tryggir greiðslu ferðakostnaðar fyrir fylgdarmann sem þarf að ferðast vegna fæðingu barns. Starfshópur á vegum FRN sem hafði það hlutverk að fara heildstætt yfir aðstæður barnshafandi kvenna á landsbyggðinni skilaði skýrslu í febrúar 2020. Í nóvember 2020 samþykkti ríkisstjórnin frumvarp til breytinga á lögum um fæðingar- og foreldraorlof nr. 95/2000, þar sem m.a. er lagt til að veittur verði sérstakur styrkur vegna skerts aðgengis að fæðingaráþjónustu í heimabyggð. Frumvarpið bíður afgreiðslu þingsins.	0	0	HRN
A.8	Jöfnun flutningskostnaðar vegna verslunar	Að skjóta styrkari stoðum undir verslun í dreifbýli og minna þéttbýli.	Lokið. Starfshópur skilaði tillögum til SRN í desember 2020. Unnið verður með þær tillögur við endurskoðun byggðaáætlunar vorið 2021.	0	0	SRN
A.9	Verslun í strjálbýli	Að styðja verslun í strjálbýli.	Í vinnslu. Samkeppnispottur. Ellefu verslanir hafa fengið styrki og ráðgjöf frá árinu 2018. Umsóknarferli vegna úthlutunar fyrir árið 2021 stendur yfir og úthlutað verður allt að 12 m.kr. Alls bærust fimm umsóknir sem unnið er úr.	40 m.kr.	58,3 m.kr.	SRN

			Heildarframlag til aðgerðarinnar hækkaði úr 55 m.kr. í 58,3 m.kr.			
A.10	Almenningssamgöngur um land allt	Að styðja við áframhaldandi þróun almenningssamgangna um land allt.	Í vinnslu. Fyrsta heildarstefna í almenningssamgöngum milli byggða, <u>Ferðumst saman</u> , var samþykkt sem hluti af samgönguáætlun haustið 2019. Auglýst var eftir umsóknum vorið 2020 og úthlutað alls 47,3 m.kr. til 11 verkefna sem styðja við þróun almenningssamgangna, einkum út frá byggðalegum sjónarmiðum.	47,5 m.kr.	107,5 m.kr.	SRN
A.11	Flug sem almenningssamgöngur	Að innanlandsflug verði raunhæfur kostur fyrir íbúa landsbyggðarinnar.	Lokið með tilkomu <u>Loftbrúarinnar</u> haustið 2020. Loftbrúin veitir 40% afslátt af heildarfargjaldi fyrir allar áætlunarleiðir innanlands til og frá Reykjavík. Hver einstaklingur getur fengið lægri fargjöld fyrir allt að þrjár ferðir til og frá Reykjavík á ári (sex flugleggir). Auk þessa var varið 10 m.kr. af byggðalið í að styrkja áætlanafflug til Bíldudals, Gjögurs og Hornafjarðar árið 2019.	10 m.kr.	0	SRN
A.12	Akstursþjónusta í dreifbýli	Að auka aðgengi að skipulagðri akstursþjónustu í dreifbýli.	Lokið með reglugerð nr. 1088/2018 um Jöfnunarsjóð sveitarfélaga. Jöfnunarsjóður úthlutaði á grundvelli umsókna frá sveitarfélögum 14 m.kr. á árinu 2019. Framlög árið 2020 verða að hámarki 50 m.kr. en unnið er að útreikningum framlaga á grundvelli umsókna.	0	0	SRN
A.13	Nærþjónusta við innflytjendur	Að auðvelda aðgengi innflytjenda að opinberri þjónustu.	Í vinnslu. Tengt við aðgerðir A.4 og B.2 í framkvæmdaáætlun í málefnum innflytjenda. Fjölmenningarsetur framkvæmir. Meðal annars hefur verið unnið fræðsluefni og þjálfara-	10 m.kr.	20 m.kr.	FRN

			námskeið fyrir fræðslumiðstöðvar, starfsemi fjölmiðlafulltrúa sveitarfélaga efla og verið er að ljúka við útgáfu móttökuáætlunar fyrir sveitarfélög til að tryggja upplýsingaflæði.			
A.14	Jöfnun orkukostnaðar	Að stuðla að aukinni jöfnun orkukostnaðar í dreifbýli og þéttbýli, bæði hvað varðar dreifingu á raforku og húshitunarkostnaði.	Í vinnslu. Þrjúþætt aðgerð. a) Jöfnun dreifikostnaðar og er starfshópur að störfum sem hefur til skoðunar hvernig tryggja megi aukna jöfnun. b) Niðurgreiðslur á köldum svæðum og gert er ráð fyrir auknum framlögum 2019-2024. c) Styrkir til einstaklinga til kaupa á varma-dælum, sem tengist aðgerð C.5. Í frumvarpi til fjárlaga 2021 og fjármálaáætlun 2021-2025 er kveðið á um 730 m.kr. hækkun á framlagi til jöfnunar á dreifikostnaði raforku á árinu 2021. Er þar annars vegar um að ræða hækkun á jöfnunargjaldi vegna verðbólgu (130 m.kr.) og hins vegar 600 m.kr. framlag úr ríkissjóði.	0	0	ANR
A.15	Uppbygging innviða fyrir endurnýjanlega orku á landi og í höfnum	Að draga úr losun gróðurhúsalofttegunda og auka hlutfall vistvænna orkugjafa.	Í vinnslu. Unnið í tengslum við aðgerðaáætlun í loftlagsmálum. Áætlað er að verja 1,5 milljarði á næstu 5 árum til uppbyggingar innviða fyrir rafbíla, rafvæðingu hafna o.fl. Orkusjóður hefur úthlutað árlega styrkjum til uppbyggingar rafhleðslustöðva síðan 2018. Árið 2020 var 192 m.kr. úthlutað til innviða á landi og til haftengdra verkefna að auki.	0	0	ANR

A.16	Hagnýting upplýsingatækni til háskólanáms	Að bæta aðgengi að námi á háskólastigi.	Í vinnslu. Fjarnám á háskólastigi hefur farið hratt vaxandi undanfarin ár. Mikil aukning hefur verið á námsfyrirkomulagi sem skilgreint hefur verið sem sveigjanlegt nám, sem er nemendamiðað, ekki gerð krafa um daglegra viðveru, en nemendur mæta í námslotur og verkefnaskil eru rafræn. Allir fylgja sömu námskránni og námskröfur eru þær sömu. Nánast allt nám við Háskólann á Akureyri og Háskólann á Bifröst er hægt að taka með fjarnámsfyrirkomulagi. Þekkingarsetur og fræðsluaðilar vítt um land þjónusta háskólanemendur m.a. á sviði fjarfundakennslu, les- og vinnuaðstöðu, miðlun ganga og upplýsinga, próftökur o.fl. Árið 2019 voru fjarpróf háskólanemenda 6.500 talsins. Í undirbúningi er gerð úttektar á gæðum fjarnáms og meistaranáms þvert á háskóla.	0	0	MRN
A.17	Svæðisbundin flutningsjöfnun	Að endurskoða lög um svæðisbundna flutningsjöfnun, nr. 160/2011.	Lokið með samþykkt laga nr. 125/2018, um breytingu á lögum um <u>svæðisbundna flutningsjöfnun, nr. 160/2011.</u>	0	0	SRN
A.18	Skilgreining opinberrar þjónustu og jöfnun aðgengis	Að íbúar landsins, óháð búsetu, hafi jafnt aðgengi að opinberri grunnþjónustu með bættum aðstæðum og tæknilausnum.	Í vinnslu. Starfshópur að störfum sem hefur fundað með landshlutum, stofnunum og ráðuneytum. Covid-19 var kveikjan að því að hópurinn sendi minnisblað til SRN í júní sl. með þremur tillögum er snúa að grunnskólum, heilbrigðisþjónustu og almenningssamgöngum. Áætlað er	2 m.kr.	3 m.kr.	SRN

			að skilgreining á rétti fólks til opinberrar grunnþjónustu liggja fyrir árið 2021.			
A.19	Aukinn aðgangur að geðheilbrigðisþjónustu	Að styðja við stefnu og aðgerðaáætlun. velferðarráðuneytisins í geðheilbrigðismálum.	Lokið. Í febrúar 2019 úthlutaði heilbrigðisráðherra 630 m.kr. til að efla geðheilbrigðisþjónustu á landsvísu, m.a. að fjölga stöðugildum sálfræðinga í heilsugæslu og byggja upp geðheilbrigðisteymi um land allt. Það markmið náðist í árslok 2019. Þróunarmiðstöð íslenskrar heilsugæslu sér um framkvæmdina og nýtist framlag SRN við að styðja við uppbyggingu teymanna á landsvísu.	5 m.kr.	5 m.kr.	HRN
A.20	Jafna aðgang að þjónustu sérfræðilækna	Að jafna aðgang að heilbrigðisþjónustu, óháð búsetu.	Lokið. Það að jafna aðgengi að heilbrigðisþjónustu er viðvarandi verkefni. Þessari aðgerð lauk með því að tilraunaverkefni á Austurlandi var fest í sessi í nóvember 2020 þegar heilbrigðisráðherra veitti Heilbrigðisstofnun Austurlands varanlegt aukið fjármagn til að tryggja áframhaldandi þjónustu sérgreinalækna við íbúa heilbrigðisumdæmisins með samningum við Sjúkrahúsið á Akureyri og Landspítala. Framlag SRN var nýtt til að þróa hugbúnaðarlausn sem kallast „Konsúlt framtíðarinnar“ og snýr að því að þróa viðmót til að tryggja örugg samskipti innan upplýsingakerfa heilbrigðiskerfa.	5 m.kr.	5 m.kr.	HRN

B. Jafna tækifæri til atvinnu						
B.1	Hraða þrífösun rafmagns	Að dreifikerfi rafmagns mæti þörfum heimila og fyrirtækja, með sérstakri áherslu á dreifingu raforku og afhendingaröryggi raforku í dreifbýli.	Í vinnslu. Árið 2019 kynnti iðnaðarráðherra þriggja ára áttak til að hraða þrífösun rafmagns. Skaftárhreppur og Mýrar verða þar í forgangi og hefur þegar verið hafist handa. Átakið hefur beina skírskotun til byggðaáætlunar. Í fjármálaáætlun 2021-2025 er gert ráð fyrir að 500 m.kr. verði varið úr ríkissjóði í að flýta fyrir jarðstrengjavæðingu og þrífösun dreifikerfis raforku. Er það í samræmi við tillögur áttakshóps ríkisstjórnarinnar um úrbætur í innviðum sem kynntar voru fyrr á árinu í kjölfar fárviðrisins sem gekk yfir landið síðasta vetur. Á þessu ári var 100 m.kr. varið úr ríkissjóði í verkefnið og er það þegar hafið. Miðað er við að árið 2022 verði fjárveiting ríkisins 200 m.kr. og 100 m.kr. á ári næstu tvö ár á eftir, eða samtals 500 m.kr.	0	400 m.kr.	ANR
B.2	Flutningskerfi raforku og bætt orkuöryggi	Að auka orkuöryggi og efla flutningskerfi raforku.	Í vinnslu. Í þingsályktun 26/148, frá júní 2018, um stefnu stjórnvalda um uppbyggingu flutningskerfis raforku, kemur fram að sérfróður aðili skuli fenginn til að gera sjálfstæða rannsókn á áhrifum mismunandi tæknilegra lausna við lagningu raflína og á þjóðhagslegri hagkvæmni þess að aukið hlutfall flutningskerfis raforku verði lagt í jörð, með tilliti til áhrifa á raforkuverð, afhendingaröryggis,	0	60 m.kr.	ANR

			hagkvæmni, byggðapróunar, tæknilegra lausna og umhverfis-kostnaðar. Skýrslan er á www.anr.is .			
B.3	Stuðningur við byggingu smávirkjana	Að kanna og styðja möguleika á aukinni raforkuframleiðslu á landsbyggðinni með smávirkjunum og efla þar með orkuöryggi á landsvísu.	Í vinnslu. Orkustofnun sér um framkvæmdina. M.a. hefur verið kallað eftir hugmyndum að smærri virkjunarkostum í gegnum landshlutasamtök sveitarfélaga. Starfshópur vinnur að greiningu og tillögugerð varðandi bætt rekstrarskilyrði smávirkjana.	0	0	ANR
B.4	Hagstæð lán fyrir landbúnað	Að stuðla að nýliðun, nýsköpun og nýfjárfestingum í landbúnaði um land allt.	Í vinnslu. Landbúnaðarlán Byggðastofnunar hafa verið mjög eftirsótt, en landbúnaður er stærsta einstaka atvinnugreinin í lánasafni stofnunarinnar. Til þess að mæta þörfum ungra bænda var lánaflokkurinn uppfærður haustið 2020 og eru nú í boði allt að 90% lán vegna kynslóðaskipta í landbúnaði.	0	0	SRN
B.5	Nýsköpun í matvælaíðnaði	Að efla nýsköpun og auka sóknarfæri í matvælaframleiðslu.	Lokið. Matvælasjóður var stofnaður með lögum nr. 31/2020. Við stofnun sjóðsins runnu saman Framleiðni-sjóður landbúnaðarins og AVS sjóðurinn. Hlutverk Matvælasjóðs er að styrkja þróun og nýsköpun matvæla úr landbúnaðar- og sjávarafurðum. Auglýst var eftir umsóknum í september sl. 266 umsóknir bárust, að upphæð 2,6 milljarða króna. Í desember úthlutaði sjávarútvegs- og landbúnaðaráðherra, að fengnum tillögum stjórnar sjóðsins, 62 styrkjum í fjórum flokkum að upphæð 480 m.kr.	0	0	ANR

B.6	Frádráttur vegna aksturs til og frá vinnu	Að auðvelda fólki utan höfuðborgarsvæðisins að sækja vinnu frá heimili.	Lokið. Aðgerðin rædd hjá FJR, SRN, stýrihópi Stjórnarráðsins um byggðamál og byggðamálaráði. Samróma niðurstaða að aðgerðin sé ekki nægilega skýrt fram sett og að hún megi ekki verða til þess að hvatt sé til notkunar á einkabíl á kostnað almenningsgangana, þar sem þær eru fyrir hendi. Lagt var til að aðgerðin verði tekin til endurskoðunar í tengslum við endurskoðun byggðaaætlunar.	0	0	FJR
B.7	Störf án staðsetningar	Að 10% allra auglýstra starfa í ráðuneytum og stofnunum þeirra verði án staðsetningar árið 2024 þannig að búseta hafi ekki áhrif við val á starfsfólki í ráðuneytum.	Í vinnslu. Framkvæmdastjórn FOR, FJR og SRN er að störfum og útbjó í samvinnu við fulltrúa allra ráðuneyta sniðmát um greiningu starfa sem sent var öllum stofnunum á höfuðborgarsvæðinu í febrúar 2020. 78% stofnanna skiluðu greiningu þar sem fram kemur að mögulegt væri að auglýsa um 890 störf án staðsetningar eða 13% stöðugilda. Byggðastofnun hefur safnað upplýsingum um mögulegar starfsstöðvar og gert aðgengilegt á vefsíðu sinni.	0	0	FJR
B.8	Fjarvinnslustöðvar	Að koma opinberum gögnum á stafrænt form og fjölga atvinnutækifærum á landsbyggðinni.	Í vinnslu. Ráðstafað hefur verið 158,6 m.kr. úr samkeppnispotti fyrir árin 2018-2023 til sjö stofnana. Ein stofnun hlaut styrk án auglýsingar en með vísan í samþykkt ríkisstjórnar frá því í ágúst 2019.	100 m.kr.	300 m.kr.	SRN
B.9	Fjölbreytt atvinnutækifæri um allt land	Að stuðla að fjölbreyttum störfum og atvinnulífi sem víðast um landið.	Í vinnslu. Forsætisráðherra lagði fram minnisblað á ríkisstjórnarfundi 4. október 2019 þar sem áréttað var	0	0	FOR

			mikilvægi þess að skoðað verði gaumgæfilega hvort að stofnanir sem ráðuneyti áformi að setja á laggirnar geti verið staðsettar utan höfuðborgarsvæðisins.			
B.10	Jöfnun á aðstöðumun á millilandaflugvöllum	Að jafna aðstöðumun til þjónustu á millilandaflugvöllum landsins.	Lokið. Tillögum hefur verið skilað til SRN.	0	0	SRN
B.11	Flughlið inn í landið	Að ferðamenn dreifist betur um landið.	Í vinnslu. Flugþróunarsjóður hefur verið starfræktur síðan 2016. Sjóðurinn styður við uppbyggingu nýrra flugleiða til Íslands þannig að koma megi á reglulegu millilandaflugi um alþjóðaflugvöllina Akureyri og Egilsstaði og stuðla að dreifingu ferðamanna um landið. Fjögur fyrirtæki, auk Markaðsstofu Norðurlands og Austurbrúar, hafa fengið styrki úr sjóðnum, samtals 207 m.kr.	0	0	ANR
B.12	Ratsjain	Að efla ferðabjónustufyrirtæki á landsbyggðinni.	Í vinnslu. Sex vikna svæðisbundið þróunar- og nýsköpunarverkefni fyrir stjórnendur ferðabjónustufyrirtækja. Vinnustofur hafa verið haldnar á Vestfjörðum, Norðurlandi vestra, Norðurlandi eystra, Austurlandi og Reykjanesi. Alls hafa 40 fyrirtæki tekið þátt.	20 m.kr.	30 m.kr.	ANR
B.13	Stafrænt forskot á landsbyggðinni	Að auka getu fyrirtækja á landsbyggðinni til að nýta stafræna tækni til vaxtar.	Í vinnslu. Unnið í samstarfi við atvinnuþróunarfélög, markaðsstofur og símenntunarmiðstöðvar í hverjum landshluta út frá þörfum smárra og meðalstórra fyrirtækja. Vinnustofur haldnar um land allt sem miða að því að auka samkeppnishæfni landshluta og þeim fylgt eftir með	10 m.kr.	35 m.kr.	ANR

			leiðsögn. Vinnustofur hafa verið haldnar á sex stöðum á landinu. Þá hafa verið rafræn námskeið sem alls 120 fyrirtæki tóku þátt í. Sjá nánar: http://forskot.nmi.is			
B.14	Fjármagn til nýsköpunar	Að auka nýsköpun í atvinnulífi í dreifðum byggðum með sérstökum flokki útlána Byggðastofnunar sem hvetur til nýsköpunar í atvinnulífi og auðveldar frumkvöðlum að koma hugmyndum sínum og verkefnum af þróunarstigi í framkvæmd.	Í vinnslu. Byggðastofnun setti á laggirnar nýjan lána flokk til nýsköpunar í landsbyggðum árið 2017. Lítil eftirspurn hefur verið í lána flokkinn. Til þess að stuðla að verkefnismarkmiðinu hefur hámarkslán verið hækkað úr 5 m.kr. í 10 m.kr. auk þess sem að nú er möguleiki á greiðsluleysi af lánum fyrstu tvö árin og að greiða eingöngu vexti næsta ár á eftir. Þá var breytiréttur í hlutafé felldur út.	0	0	SRN
B.15	Mat á árangri af úthlutun byggðakvóta	Að meta árangur af byggðakvóta.	Í vinnslu. Nefnd sem sjávarútvegs- og landbúnaðarráðherra skipaði í apríl 2019 skilaði sínum tillögum í febrúar 2020. Í framhaldinu var farið í vinnu við gerð frumvarps á grundvelli tillagna nefndarinnar. Frumvarpið hefur verið lagt fram í ríkisstjórn og er til umfjöllunar í þingflokkum ríkisstjórnarinnar. Í framhaldinu er fyrirhugað að frumvarpið verði lagt fram sem stjórnarfrumvarp. Með frumvarpinu eru lagðar til breytingar á lögum um stjórn fiskveiða sem varða meðferð þess aflamagns sem á hverju ári er ráðstafað til atvinnu- og byggðaráðstafana samkvæmt lögumum í stað þess að koma til	0	0	ANR

			úthlutunar á skip samkvæmt aflahlutdeild. Nemur þetta magn 5,3% alls aflamagns.			
B.16	Nýting menningarminja	Að nýta menningarminjar til stuðnings byggðapróun á svæðum sem standa höllum fæti í byggðalegu tilliti.	Í vinnslu. Byggðarlög sem taka þátt í Brothættum byggðum verða í forgangi. Á Bakkafirði og í Árneshreppi er vettvangsvinnu lokið. Næstu skref er að styðja við heimamenn varðandi tillögur sem fram hafa komið hjá þeim. Verkefnið var kynnt á íbúafundi í Öxarfjarðarhreppi í nóvember sl. 1-2 verkefni líkleg til að fara af stað.	6,5 m.kr.	16,5 m.kr.	MRN
B.17	Bújarðir í eigu ríkisins	Að móta eigendastefnu fyrir bújarðir í eigu ríkisins.	Lokið með samþykkt <u>eigendastefnu ríkisins vegna jarða, landa, lóða og auðlinda í júlí 2019.</u>	0	0	FJR
B.18	Atvinnuþátttaka og tekjumunur eftir búsetu	Að auka möguleika kvenna til atvinnuþátttöku á landsbyggðinni.	Í vinnslu. Jafnréttisstofa vinnur að úttekt á stöðu og tækifærum kvenna og karla á vinnumarkaði í dreifbýli. Verkefnaáætlun gerði ráð fyrir framkvæmd 2. hluta viðtala í mars/apríl 2020 en Covid-19 faraldurinn hefur tafið þá vinnu og þar með haft áhrif á úrvinnsluna og skrif á lokaskýrslu. Áætluð verklok voru í nóvember en munu frestast til áramóta.	5 m.kr.	5 m.kr.	FOR

C. Stuðla að sjálfbærri þróun byggða						
C.1	Sértæk verkefni sóknaráætlanasvæða	Að færa heimamönnum aukna ábyrgð á ráðstöfun fjármuna og tengja sóknaráætlanir landshluta við byggðaáætlun.	Í vinnslu. Samkeppnispottur sem úthlutað er úr árlega. Landshluta-samtök sveitarfélaga skilgreina verkefni og senda umsóknir sem valnefnd fer yfir. Ráðstafað hefur verið 473 m.kr. til 22 verkefna.	320 m.kr.	870 m.kr.	SRN
C.2	Brothætt byggðarlög	Að sporna við viðvarandi fólksfækkun í smærri byggðakjörnum.	Í vinnslu. Á árunum 2018-2020 hafa samtals tíu byggðarlög tekið þátt í Brothættum byggðum. Á árinu 2020 eru þau sjö, þ.a. munu tvö ljúka vegferð sinni í lok ársins. Veitt hefur verið sérstök aukafjárveiting vegna Bakkafjarðar, alls 21 m.kr. á árunum 2019-2020. Þá voru 100 m.kr lagðar til verkefnisins í gegnum fjárfestingaráttak ríkisstjórnarinnar 2020. Vitað er af áhuga nokkurra byggðalaga á þátttöku í verkefni Brothættra byggða.	421 m.kr.	700 m.kr.	SRN
C.3	Stuðningur við einstaklinga - námslán	Að nýta námslánakerfið sem hvata fyrir fólk til að setjast að í dreifðum byggðum.	Lokið. Ný lög um Menntasjóð námsmanna tóku gildi á árinu 2020. Í þeim er kafli um sértækar aðgerðir sem annars vega heimila tíma-bundnar ívilnanir við endurgreiðslu námslána til að mæta viðvarandi skorti í ákveðnum starfsstéttum og hins vegar heimild til að veita tímabundna ívilnun við endurgreiðslu námslána hjá lánþegum búsettum á svæðum skilgreindum í samráði við Byggðastofnun, að uppfylltum ákveðnum skilyrðum. Heimildin er ætluð til þess að gefa ráðherra tækifæri til að bregðast við	0	0	MRN

			ástandi þar sem skortur er á menntuðum einstaklingum á ákveðnum svæðum.			
C.4	Höfuðborgarstefna	Að mótuð verði höfuðborgarstefna sem skilgreini hlutverk Reykjavíkurborgar sem höfuðborgar allra landsmanna, réttindi og skyldur borgarinnar sem höfuðborgar Íslands og stuðli að aukinni samkeppnishæfni höfuðborgarsvæðisins og landsins alls.	Í vinnslu. Óskað var eftir tilnefningum í starfshóp nóvember 2020. Verklök áætluð í árslok 2021 með þingsályktun.	0	7,3 m.kr.	SRN
C.5	Varmadæluvæðing á köldum svæðum	Að draga úr raforkunotkun á köldum svæðum og auka orkuöryggi.	Í vinnslu. Ríkið hefur styrkt sjövarmadælu í Vestmannaeyjum og eru fleiri köld svæði sem eru með fjarvarmaveitur til skoðunar. Þá er skoðað að auka styrki til einstaklinga til kaupa á varmadælum. Orkusjóður hefur veitt sveitarfélögum fjárfestingastyrki til verkefna sem leiða til lægri kostnaðar við óniðurgreitt rafhitað húsnæði og mannvirki. 2018 námu styrkir 20 m.kr. og 2019 eru 25 m.kr. til ráðstöfunar. Tengist aðgerð A.14.	0	0	ANR
C.6	Húsnæðismál	Að fjölga íbúðum á svæðum þar sem eru sóknarfæri til þess að rjúfa stöðnun í atvinnumálum en skortur á hentugu íbúðarhúsnæði hamlar uppbyggingu.	Í vinnslu. Húsnæðis- og mannvirkjastofnun setti af stað tilraunaverkefni árið 2019 með það að markmiði að rýna áskoranir í húsnæðismálum á landsbyggðinni, þar sem valin voru sjö sveitarfélög til þátttöku. Lagðar voru fram	15 m.kr.	20 m.kr.	FRN

			tillögur að lausnum sem voru ætlað að greiða leiðina fyrir byggingu á nýju íbúðarhúsnæði á stöðum þar sem er íbúðaskortur, sem jafnframt hefur staðið í vegi fyrir eðlilegri framþróun byggðalaga og atvinnulífs á svæðinu. Margar af þeim tillögum eru nú komnar til aðgerða og hefur íbúðum fjölgað á stöðum þar sem ríkti stöðnun í húsnæðismálum. Sem dæmi má nefna Búðardal, Dranganes, Reykhóla og Vopnafjörð. Fjármunir byggðaliðar færðir frá aðgerð C.7 til C.6.			
C.7	Húsnæðisáætlanir sveitarfélaga	Að raunhæfar og markvissar húsnæðisáætlanir verði í gildi hjá öllum sveitarfélögum.	Í vinnslu. Flest sveitarfélög landsins hafa birt húsnæðisáætlun eða eru með í vinnslu. Þá hafa 19 sveitarfélög uppfært áætlun fyrir árið 2020 og fimm sveitarfélög eru með uppfærslu í vinnslu. Húsnæðis- og mannvirkjastofnun vinnur að því að innleiða stafrænar húsnæðisáætlanir með það að markmiði að auðvelda sveitarfélögum gerð áætlana, uppfærslu þeirra og auka áreiðanleika þeirra upplýsinga sem þar koma fram. Fjármunir byggðaliðar færðir frá aðgerð C.7 til C.6.	0	0	FRN
C.8	Efling fjölmiðlunar í héraði	Að efla staðbundna fjölmiðla.	Í vinnslu. Í september 2020 veitti mennta- og menningarmálaráðherra 11 staðbundnum fjölmiðlum styrk, samtals 5 m.kr. Fyrir Alþingi liggur stjórnarfrumvarp þar sem m.a. er kveðið á staðbundna fjölmiðla.	5 m.kr.	25 m.kr.	MRN

C.9	Náttúruvernd og efling byggða	Að náttúruvernd stuðli að eflingu byggða.	Í vinnslu. UAR hefur gert samninga við þrenn landshlutasamtök sveitarfélaga um greiningu tækifæra og áhrifa friðlýstra svæða. Á Austurlandi og Suðurlandi eru verkefnið komin vel á veg og á Norðurlandi eystra hófst verkefnið árið 2020.	30 m.kr.	57 m.kr.	UAR
C.10	Fagmennska á sviði innviða á náttúruverndarsvæðum	Að efla fagþekkingu þeirra sem vinna að uppbyggingu innviða í náttúrunni.	Í vinnslu. Gerðir hafa verið samningar við Landbúnaðarháskóla Ísland og Miðstöð hönnunar og arkitektúrs um þróun námskeiða og ýmis verkefni sem miða að markmiðum aðgerðarinnar. Unnið hefur verið að aðgerðinni sem hluta af vinnu samstarfshóps um aukna fagþekkingu við uppbyggingu innviða til verndar náttúru og menningarminjum.	10 m.kr.	15 m.kr.	UAR
C.11	Fleiri konur í sveitarstjórnir	Að fjölga konum í sveitarstjórnnum.	Í vinnslu er gagnasöfnun og undirbúningsvinna. Þungi verður settur í verkefnið árið 2021.	0	11 m.kr.	FOR
C.12	Kynning og innleiðing áfangastaðaáætlana	Að stýra uppbyggingu og þróun ferðamannastaða.	Lokið. Markaðsstofur landshluta sáu um framkvæmd, hver í sínum landshluta, utan höfuðborgar-svæðisins. Áætlanirnar er að finna á vef Ferðamálastofu .	30 m.kr.	30 m.kr.	ANR
C.13	Opinberar upplýsingar á sviði byggðamála	Að stefnumótun á sviði byggðamála og framkvæmd hennar byggist á traustum gögnum.	Í vinnslu. Byggðastofnun leggur áherslu á að gera opinberar upplýsingar á sviði byggðamála aðgengilegar. Dæmi um það frá árinu 2020 er að sett var upp Gagnatorg á vef stofnunarinnar. Þar má m.a. sjá íbúapróun og aðrar upplýsingar settar fram með	60 m.kr.	140 m.kr.	SRN

			myndrænum hætti. Vefviðmót mannfjöldaþróunar og framtíðarspá til 2067 uppfærð. Úrvinnslu gagna um rannsókn um ástæður búferlaflutninga. Skýrslur um orkukostnað, fasteignamat og fasteignagjöld, fjölda og staðsetningu ríkisstarfa og mat á áhrifum heimsfaraldursins á sveitarfélög þar sem ferðaþjónusta er mikilvæg stoð. Yfirlit um húsnæði og aðstöðu sem stendur til boða fyrir störf án staðsetningar. Unnið með Hagstofu Íslands við að skilgreina smásvæði fyrir manntalið 2021, skilgreind voru 206 hagskýrslusvæði.			
C.14	Samstarf safna - ábyrgðarsöfn	Að efla safnastarf í landshlutum.	Í vinnslu. MRN hefur gert samning við þrjú landshlutasamtök sveitarfélaga um fýsileikakönnun á samstarfi og sameiningu safna. Norðurland eystra hefur lokið verkinu og Austurland og Norðurland vestra eru að ljúka við sína vinnu.	12,5 m.kr.	22,5 m.kr.	MRN
C.15	List fyrir alla	Að öllum árgöngum grunnskóla verði gert kleift að njóta listverkefna Listar fyrir alla.	Í vinnslu. Öllum grunnskólum landsins standa listverkefni til boða og eru laun listamanna og uppihald kostuð af verkefninu. Síðastliðin tvö ár hafa allir grunnskólar utan Reykjavíkur fengið heimsókn, eða um 150 skólar og 10-15 þúsund börn. Árlega starfa 70-80 listamenn á vegum List fyrir alla. Til að jafna enn frekar aðgengi barna að menningu og listum, óháð búsetu og efnahag,	12,5 m.kr.	32,5 m.kr.	MRN

			var opnuð Listveita veita.listfyriralla.is undir vefsíðu verkefnisins listfyriralla.is .			
C.16	Vaxtarsvæði	Að gera ríki og sveitarfélög færari um að bregðast við þenslu á vaxtarsvæðum	Í vinnslu. Heimsfaraldur Covid-19 hefur sett strik í reikninginn og þau svæði sem áður töldust vaxtarsvæði glíma nú við gífurlegar áskoranir vegna hruns ferðaþjónustunnar. Sett hafa verið á fót samráðsteymi ráðuneyta, hlutaðeigandi landshlutasamtaka og sveitarfélaga á Suðurnesjum, fimm sveitarfélögum á Suðurlandi og einu á Norðurlandi vestra. Veitt var fjárveiting í gegnum fjárauka árið 2020, samtals 400 m.kr. til að bregðast við áhrifum af hruni ferðaþjónustu á þessum svæðum.	400	0	SRN